


Ibuku rĩa Ngai kũrĩ ciana
nĩrĩrakũrehera

Jesũ
Mũrutani
Mũnene



Rwandĩkĩtwo nĩ: Edward Hughes

Rũthathaũrĩtwo nĩ: Byron Unger; Lazarus
Alastair Paterson

Rũharĩrĩirio nĩ: E. Frischbutter; Sarah S.

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2023 Bible for Children, Inc.


Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.





Jesũ aarĩ
mũrutani mũnene -
mũnene kũrĩ angĩ othe. Ikundi cia
andũ ikĩmũthikĩrĩria. Jesũ akĩmeera
makorwo andũ a tha, eega na
ataana. Andũ angĩ no mamamene na
kũmatiihia, no Ngai nĩarĩmaroraga.






Jesũ akĩrutana
maũndũ mainĩ.
Akiuga andũ a Ngai
nĩmatheragia thĩ ta
ũrĩa mũcuma
ũtheragia nyũmba.
Hatarĩ nganja
mũcuma nĩũrehaga
ngũrani thĩinĩ wa
nyũmba irĩ na nduma!



Andũ aria Jesũ aaragĩria nĩmeetĩkĩĩtie
ũhoro wa kwĩrĩhĩria, “Riitho kwa
riitho, na igego kwa igego.” No Jesũ
akĩrutana ũhoreri,
kuohanĩra na
wendo, ona
kũrĩ thũ.




Hĩndĩ ya Jesũ nĩkwarĩ na andũ
meetuaga gũkorwo atheru. Maahe
athĩĩni mbeeca nĩmaarĩ na mũndũ
wa kũhuuha karumbeta nĩgeetha
andũ marore. Jesũ akiuga,
"Rutagaai na hithe, na
Ngai nĩarĩmũtugaga."



Jesũ akĩrutana o ũguo ũhoro wa mahooya. Andũ amwe maahoyagĩra bara iria cĩarĩ na andũ aingĩ nĩguo andũ othe mamooone na mamaigue. No matieciragia ũhoro wa Ngai. Meeciragia ũrĩa andũ angĩ makũmeeciria. Jesũ akĩmeeta hinga - andũ a gwĩtua.




Jesũ kaingĩ ahũthagĩra maũndũ marĩa matũrigicĩirie
gũtaarĩria ũrutani wake. Kwa mũhiano, akĩoroota
nyoni. Akiuga, "Ngai wanyu wa matuinĩ
nĩwe ũciheaga irio. Mũtikamake. O na
inyuĩ Ngai nĩarĩmũheaga irio."



Jesũ agĩthĩĩ na mbere kuuga, "Ona Mũthamaki
gĩtonga Solomoni ndeehumbaga ta mahũa ma gĩthaka.
Angĩkorwo Ngai nĩahumbaga nyeki ya weerũ, githĩ
ndakũmũhumba ona inyuĩ?" Jesũ arutaga andũ
kwĩhoka Ngai ũrĩa ũcemanagia na mabataro maitũ
mothe.



Ningĩ Jesũ akiuga,
"Ũngĩtuĩra mũũrũ
wa thoguo, nĩ ta
kũgeria kũruta
ihuti riithoinĩ rĩake
rĩrĩa we ũrĩ na
mũgogo riithoinĩ
rĩaku." Nogũkorwo
andũ nĩmaathekire.
No nĩmeeciririe
ũrĩa endaga kuuga.





Jesũ augire andũ
maagĩrĩrwo gwĩtia
ũteithio kuuma
kũrĩ Ngai. Maithe
ma gũũkũ thĩ
nĩmaheaga ciana
hũũtu ihiga
mangĩĩtia mũgate?
Aca! Maheanaga
indo njega. O
naake Ngai
aheanaga indo
njega kũrĩ aria
meetagia.



Jesũ, mŭrutani mŭnene,
nĩakananirie nĩũndũ wa arutani a
maheni. Akiuga, "Meehumbaga
ta ng'ondũ. No thĩinĩ nĩ njũũĩ!"
Akĩmeera arutani a maheni
makamenyekaga nĩũndũ wa ũrĩa
maikaraga.




Thĩĩnĩ wa rūgano rūũngĩ aheanire, Jesũ oonanirie atĩ
andũ aria maathikagĩrĩria kiugo kĩa Ngai mahaana to
mũndũ ũrĩa waakire nyũmba
yake igũrũ rĩa ihiga.

Rũhuho rūgĩũka. Rĩrĩa
rwathirire nyũmba
ĩyo ĩkĩrũgama wega.



No mũndũ mũkĩgu aakire nyũmba yaake igũrũ ria mũthanga. Rĩrĩa rũhuuho rwamĩringire, ĩkĩgua, nĩũndũ wa mũthingi ũtaarĩ na hinya. Jesũ akiuga andũ arĩa matathĩkagĩra kiugo kĩa Ngai mahaana mũndũ ũcio.



Andũ makĩgegio nĩ ciugo cia Jesũ.
Matiaigwĩite maũndũ ta macio hau
kabere. Rĩu nĩmamenyire atĩ
gũtiganĩite kũigua kiugo kĩa Ngai.
No mũhaka magĩathĩkire o mũthenya.



Jesũ mŭrutani mŭnene

Rũgano kuma Kiugoinĩ kĩa Ngai,
kĩrĩa kĩa Ibukuinĩ rĩa Ngai,

rũrĩ thĩinĩ wa

Mathayo 5-7, Luka 6

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

